

ত্রিপুরা হাফাঙ
ককথুম তেই হুকুমু দাগিখুঙ

স-২৭০৬

আগরতলা, ৩ সেপ্টেম্বর, ২০২৫

পঞ্চায়েত রেমঅ কীকীরীক রোডম্যাপ সীনার্মাই লুকুরগনি হামকীরাই খীলায়নানি নাহারমুঙগ’

সামুঙ তাঙগীই থাংনা নাংনাই : পঞ্চায়েত নাইখুঙনি মন্ত্ৰি

পঞ্চায়েত রেমঅ কীকীরীক রোডম্যাপ সীনার্মাই লুকুরগনি হামকীরাই খীলায়নানি নাহারমুঙগ’ সামুঙ তাঙগীই থাংনানি নাংনাই। ব্লক অ্যাডমিনিষ্ট্ৰেশন’ পঞ্চায়েত আমচায়নি লুকুরগনি তেইব’ গানঅ তীলাঙনা নাংনাই। থাংনাই ২ সেপ্টেম্বরঅ খোয়াই ডিস্ট্রিক্ট সাব ডিভিশনাল অফিসনি কনফারেন্স হল’ পঞ্চায়েত নাইখুঙনি আমজক নাইমুঙ পানদাঅ পঞ্চায়েত নাইখুঙনি মন্ত্ৰি কিশোর বর্মণ অ কক সাখা। ব সাখা, হাসতে তেই কেন্দ্র হাফাঙ লুকুবসঙনি পায়থাগ লুকুরগনি থানি হামকীরাইনি মারি তুননানি নাইমুঙগ’ সামুঙ তাঙগীই তঙগ’। আবন’ রীগীই ব্লক তেই পঞ্চায়েতরগ যাসি কায়জাকনায় সামুঙ তাঙগীই তঙগ’। পঞ্চায়েত রেমঅ সামুঙবীতাংরগ সামুঙগ’ কাহাম খীলায় বজাকথে বনি কাহাম মারি লুকুরগ কীবাঙ খীলায় মাননায়। পঞ্চায়েত নাইখুঙনি মন্ত্ৰি সাখা, কামি আমচায়নি মাঙতাঙনি হামকীরাইঅ জে সামুঙবীতাংরগ তাঙজাগীই তঙগ’ বনি কাহাম মারিন’ কাহাম খীলায় তুননানি বাগীই জুদা জুদা নাইখুঙরগ থানসা খীলায় সামুঙ তাঙনা নাংনাই। পঞ্চায়েত রেমঅ সামুঙ তাঙথানি জে জীঙজালরগ নুকজাঙ আবরগন’ চঙগীই জীঙজালরগন’ সকমরনানি য়াপিরি রমনা নাংনাই। বনি বিসিৎতাইন’ লুকুরগনি কীবাঙ খীলায় হামকীরাই আংনাই।

খোয়াই জিলা পরিষদনি সভাধিপতি অপর্ণা সিংহ রায় (দত্ত) হামকীরাই গীনাঙ সামুঙবীতাংন’ রীগীই খোয়াই হাঙখরন’ হাসতেনি বিসিৎগ’ কাহামকুক হাঙখর হীনীয় সীনার্মাই তিসানা বাগীই চুবাচুনি য়াগ রীনা বাগীই জতনি থানি কক কীচারখা। ডিএম রজত পন্ত জুদা জুদা সামুঙবীতাংনি সামুঙ চঙজাক জরানি বিসিৎ পায়রীনানি সাকা ফানবকসিনখা। পানদাঅ খোয়াই জিলা পরিষদনি মেম্বার সেক্রেটারি রাজীব পাল পাওয়ারপয়েন্ট প্রেজেন্টেশননি বিসিৎতাই হাঙখর আমচায়’ জে সামুঙবীতাংরগ সামুঙগ’ বজাগীই তঙগ’ আবরগনি সুকুরবজাক ককথুম তিসায় ফুনুকখা।

পানদাঅ মানজাক ফায়খা খোয়াই পঞ্চায়েত সমিতিনি চেয়ারম্যান টিঙ্কু ভট্টাচার্য, তেলিয়ামুড়া পঞ্চায়েত সমিতিনি চেয়ারম্যান দীপা দেব, তেলিয়ামুড়া বিএসিনি চেয়ারম্যান ভানলাল রাঙ্খল, কল্যাণপুর বিএসিনি চেয়ারম্যান ইন্দ্রানী দেববর্মা, পদ্মবিল বিএসিনি চেয়ারম্যান প্রশান্ত দেববর্মা, তুলাশিখর বিএসিনি চেয়ারম্যান প্রদীপ দেববর্মা, মুঙ্গিয়াকামী বিএসিনি চেয়ারম্যান সুনীল দেববর্মা, পঞ্চায়েত নাইখুঙনি দাগিফাঙ প্রসূন দে, খোয়াই সাব ডিভিশননি এসডিএম নির্মল কুমার, তেলিয়ামুড়া সাব ডিভিশননি এসডিএম অভেদানন্দ বৈদ্য, ডিএফও অশোক কুমার, খোয়াই হাঙখরনি বিসিৎ খবজাক জুদা জুদা ব্লকনি বিডিওরগ তেই জুদা জুদা নাইখুঙনি অফিসাররগ।
